

摘藻堂四庫全書薈要

史部

欽定四庫全書叢要

史部

硃批諭旨卷一百

九十五
九十六

詳校官編修巨繆晉

欽定四庫全書薈要卷八千一百六十二

史部

硃批諭旨卷一百九十

硃批鞏建豐奏摺

雍正五年十月十三日提督雲南等處學政右春坊右中允臣鞏建豐謹

奏為恭謝

天恩事雍正五年九月十九日據雲貴督臣鄂爾泰承

差自京齋捧到

皇上賜臣

欽定詩經二函

臣

方考試在外隨出郊跪迎至署恭設

香案望

闕叩頭謝

恩祇受訖伏念

臣

才識凡陋視學滇南自考校士子以

來諄切提命多方振興正懷覆餗之憂叨蒙

聖恩之賜載歌天保仰祝升恒循諷皇華每懷諮度啓

金函而盥誦敬什襲以珍藏惟有勉竭駑駘洗詞

章訓詁之陋習加意鼓勵成溫柔敦厚之淳風以
仰報

洪恩於萬一云爾謹此具摺恭謝

天恩伏乞

皇上睿鑒謹

奏

此應具題之事何得摺奏將迂腐二字須當洗淨袒護
科目之惡習尤宜屏除無遺勉之慎之其餘無恥不端

之行諒汝不為朕亦有以相信也

雍正六年二月二十五日提督雲南等處學政翰

林院侍講臣鞏建豐謹

奏為恭謝

天恩事竊臣前蒙

恩賜欽定詩經二函具摺

奏謝奉有

皇上硃批臣隨恭設香案望

闕叩頭謝

恩訖伏惟臣奉到

賜書理應具本恭謝緣愚昧無知誤用摺奏乃蒙
皇上不加譴責指示詳明跪讀

諭旨感懼交集至於迂腐之習臣屢荷

聖訓痛自改責務期洗滌淨盡到滇以來遇有抗糧劣
行士子即行黜革懲治不敢稍存袒護私心惟有
益自勉勵恪守廉隅盡心校閱使邊方士習克端

以廣

右文之化庶幾仰答

洪恩於萬一耳謹此具摺恭謝

天恩所有奉到

硃批原摺合併恭繳謹

奏

如果行能踐言可謂不辜朕之期望矣但習俗最易染人被染既深不自覺知者多同道相濟四字誤盡人一

生名節品行不可不知若能遵朕訓誨心悅誠服一日
三省事事體察逐漸洗除舊污始可進言移風易俗也
莫作容易理會勉之

硃批諭旨卷一百九十

欽定四庫全書蒼要卷八千一百六十三

史部

硃批諭旨卷一百九十一

硃批石成峨奏摺

江西布政使臣石成峨謹

奏恭請

皇上萬安竊臣至愚極陋荷蒙我

皇上特恩以候補道員拔用江西布政使聞

命自天感激無地受事之日即循例請撫臣代行

奏謝外臣到任以來夙夜兢惕念布政一官為錢糧總匯惟有裁酌陋規清查完欠庶可以正己率屬仰副我

皇上愛養元元之盛心稍盡微臣職守於萬一查得江西布政衙門向有時節生辰署印規禮以及解庫平頭每年約有四萬餘兩臣到任後將一切節規盡行裁革止存平頭一項每收銀一萬兩有平頭銀一百七十五兩每年約二萬三四千兩內除總

督養廉銀四千四百兩巡撫養廉銀八千八百兩
尚餘一萬兩上下之數內又除心紅紙張墊補衙
役工食約用一千餘兩延幕書算日食費用約用
一千五百餘兩衙門公事諸費及應捐俸辦理之
處約三千餘兩臣家口衆多日用薪水亦需四千
餘兩臣受

皇上格外鴻恩即此平餘亦不應染指但臣再四酌度
若併此裁去不特臣一時難以支撐亦恐後來贍

養不給或致貪黷累民或反虧空庫項不得已留
此以為養廉臣自問何人叨沐

異數至此惟有不貳不欺兢業供職倘日後稍有貽誤
辜負

主恩不特臣罪難逭更恐天下臣民以為誤用匪人上
累

聖明則臣之罪實為天地所不容矣為此據實陳

奏伏乞

睿鑒謹

奏

據奏似此瑣屑零星朕何暇計及惟向爾等責成一是一字而已爾但勉力做一真實好官仰副朕望不在此分晰奏聞以希見信也凡一切取與之間總期合宜得當屬員不可徇徇民風毋使驕情立心行政以不苛不濫為準的至於取所當取以備公用亦何不可之有惟當相機度時而行不辱朕見用之顏面以勉圖上進慎勿

苟且小就中道而止勉之勉之

江西布政使

臣

石成峨謹

奏恭請

皇上萬安

臣

於十月初六日祇領

硃批諭旨叩頭跪讀蒙

天語諄諄指示

臣

惶悚無地感激涕零伏念臣至微至

陋叨沐

異數不次擢用雖捐糜頂踵亦難報稱

高深於萬一今復荷

主恩如天

訓誨明切臣敢不遵

旨實心供職黽勉從事仰副

聖懷為此具摺叩謝

天恩謹

奏

知道了聞爾自蒞任以來聲名頗好勉之勿懈

殊批諭旨卷一百九十一

欽定四庫全書薈要卷八千一百六十四

史部

硃批諭旨卷一百九十二

硃批劉廷琛奏摺

雍正元年六月二十九日廣西布政使臣劉廷琛

謹

奏為據實奏明事竊臣世受

國恩復蒙

皇上特用跪請

聖訓時

天語諄諄破格賞賜竝

諭臣用摺子聞

命之下感懼交深臣於六月十七日到任視事敬將

皇上面諭六條備悉口傳巡撫孔毓珣跪聆謝

恩訖臣又准護司梧州府知府張若霈齎送

聖諭一道跪迎開讀隨具詳巡撫代題謝

恩在案臣本衙門錢糧交盤與各府州縣有無虧空重

耗等弊臣現在清查外伏查從前各屬解司錢糧
每一百兩加平銀八錢廣西地丁米折合解銀三
十萬四千二百兩零共計加平銀二千四百三十
三兩零再各屬節禮九府及六十三州縣約計每
節共得銀一千三百餘兩以上二項臣遵奉

聖訓一槩革除再桂平梧潯四府橋稅幫費布政司每

類此等事天下督撫藩臬莫望朕代定規則任憑爾等

季約得銀八百餘兩向為日用之需此項臣亦不

做去只要還朕是好二字一切皆可若無此二字還朕

敢自便理合

縱爾講得天花亂墜亦不能動朕分毫也但當勉力致

奏明伏乞

好官謹之慎之

天恩可否賞給臣養廉請

旨定奪目今廣西雨水調勻地方寧靜早禾俱已收穫

米價每石六七錢不等較之去年更好嗣後遇有

緊要事件自當據實摺奏若瑣屑小事不敢屢瀆

天聽為此具摺謹

奏

凡百處不可越分毋因巡撫係漢人遂失兩司之體而

主張分外之事朕如有所聞必加以僭妄處分也若無
緊要應奏之事摺亦不必頻上特諭

雍正二年四月二十八日廣西布政使臣劉廷琛
謹

奏為遵

旨恭繳奏摺事竊臣於雍正元年六月內到任後隨將
臣衙門大概事宜具摺奏

聞奉有

硃批訓旨臣跪讀之下細繹凜遵一年以來敬奉案前
時刻觸目警心伏查粵西錢糧雖少各州縣每有
那新掩舊之弊臣細心訪察一由劣衿土棍每年
輪充冬頭里長包攬錢糧希圖侵蝕任意抗延州
縣顧惜顏面不除錮習今蒙

特頒

上諭百姓完納錢糧當令糧民戶戶到官不許里長甲
頭巧立名色生監除去儒戶宦戶名目抗頑者即

行治罪如此則錢糧頭緒畢清而包攬之人立除矣一由廣西皆無本鹽商悉係地方官代折代銷每每以錢糧為鹽本年復一年牽混不清今督臣孔毓珣深知其事前經奏請借帑官辦通融銷售裕課便民奉

旨允行在案如此一二年後積引銷完各歸各款州縣無那移之弊矣再查廣西倉穀原額常平捐穀二項共有一百六十二萬八千七百餘石為數甚多

何能顆粒實貯府廳州縣內有十分之二三存價者欣逢

皇上洪福齊天元年豐登大有督臣嚴行遍飭諄切告誠臣又委員各處坐催去歲三冬月處處盡力彌補俱各造報全完臣查別府所屬內實無不足之數惟桂林一府所屬還有三四處未曾清楚督臣現在又委三道親身盤驗虛實斷不容隱匿至議行社倉之法春借秋還以權子母督臣前已詳悉

奏明臣轉飭各州縣實力奉行務求合乎人情宜乎土俗毋得有累百姓致失

皇上愛養元元至意目下廣西春麥收成甚好雨水調暢米價平賤地方安靜臣愚昧無知所司錢糧倉穀諸事自當盡心料理以副厥職如有屬在總督提督應行應奏者臣斷不敢越分干與為此繕摺具奏并繳前摺伏乞

睿鑒謹

奏

知道了觀爾此任雖屬平平無奇亦無蕩檢踰閑之處
照此謹飭做去亦可但爾前於按察司任內有一二事
殊屬不妥慎毋執迷隱飾過而不改是為過矣有過能
改反成懿行將爾已往之事偶爾錄示不過令爾知朕
耳目之不爽也

硃批諭旨卷一百九十二

欽定四庫全書薈要卷八千一百六十五

史部

硃批諭旨卷一百九十三

硃批赫勝額奏摺

雍正五年十月十七日貴州按察使臣赫勝額謹
奏為遵

旨事雍正五年八月初五日臣恭請

聖訓奉

上諭貴州巡撫何世璜前任臬司富貴居官如何之處

爾隨路訪察一到任即具摺奏聞欽此臣一路訪察
撫臣何世璣為人老實辦事盡心陛任按察司臣
富貴辦事平常除伊等居官實在如何之處容臣
再細訪察一有確據即行具

奏外今將臣路上所訪緣由先行奏

聞謹

奏

凡百處惟以務實為要至於言人之短長評吏之優劣

尤須秉公據實若少涉誣捏隱飾則代人受過矣切記
勿忘

雍正五年十二月初一日署理貴州布政使印務

按察使臣赫勝額謹

奏為恭請

聖訓事竊臣至微至陋荷蒙

皇上洪恩不次擢用

特授貴州按察使到任以來敬遵

聖訓一切命盜案件務盡愚誠辦理不敢稍有錯謬今

蒙

殊恩又

命署理貴州布政使印務臣感激微忱已籲署撫臣祖

秉圭代

題并通省錢糧現在逐細清查俟查明另摺奏

聞外伏思布政司承宣

皇上政教統轄一省錢糧職任綦重臣才識短淺誠恐

辦理未週必奉

聖主訓旨教導方有遵守為此繕摺恭請

聖訓謹

奏

但專務實行毋徒尚虛言此外別無訓諭勉之勉之

同日又

奏為敬陳管見仰祈

睿鑒事竊臣至微至賤幸蒙

教育疊荷

隆恩雖質本庸陋毫無知識而犬馬報

主之忱實深五內不揣愚昧謬抒管見敬為我

皇上陳之

一城垣之設原以守土衛民最為重大黔省苗夷
雜處更關緊要臣赴任時經過各府州縣有無城
者有有城而傾頽者除現在奉文查估俟查估明
確詳報督撫具

題外查黔省錢糧無多兵餉尚係各省協濟若議修
建城垣庫項不足支用竊思治國安民首在懲貪
臣見大小臣工內廉介者固多而貪婪者亦復不
少不肖之員剝削民膏少者積百成千多者盈千
纍萬及至發覺不過其中一二雖按照律例治罪
追贓猶得享用餘資若不嚴加懲處無以儆戒將
來請嗣後將此等貪贓官吏發至黔省著令修建
各府州縣城垣及填築改站道路橋梁俟其家產

盡絕後再將修過城垣用過銀數逐細奏

聞請

旨發落庶貪風可以永息而黔省城垣道路皆得脩築

修築城垣等事應與鄂爾泰商酌何必奏朕
堅固矣

一黔省離京路遠凡選補各官每因盤纏缺少借貸艱難一時不能起身以致赴任稽遲故在省官員常有經年署事者未免兼顧為難伏思黔屬臣工俱荷

皇上隆恩賞給養廉臣請嗣後選補黔省之員如有盤纏無措不能起身者許其具呈戶部持憑照驗借領庫銀即行赴任道府借二百兩同知通判知州知縣借一百兩佐雜等官借三十兩借後戶部將借過數目行文該撫俟其到任後半年內令布政司將本官養廉銀扣除全完於每年起解水碓時彙搭解部還項則選補各官皆得速赴新任而在此事朕亦曾念及殊不可行省各官亦得專心辦理本任之事矣

一苗性兇悍動輒刦殺燒擄地方官差人追捕則
潛入山箐非技勇超羣者不敢深入查各州縣之
捕快俱係召募鄉民雖年力強壯實不如兵丁之
技藝嫻熟臣聞各營官弁跟隨伴當皆係兵丁是
無技之鄉民委以緝捕重任以有用之兵丁反居
閒散之地請稍為變通以此項兵丁撥給州縣頂
充捕快將州縣捕快撥給各營為跟隨伴當則擒
拏兇賊自然易獲而捕快入營隨操亦可以成強

此議

更屬不可

兵矣

一網掠販賣最為黔省之患前經撫臣黃國材督

臣高其倬先後具

題定例不為不嚴而販賣之事不能盡絕者緣網販
與興販皆藉窩隱之人為之販賣實與開窩子無
異若無此輩窩隱自無販賣之事定例止將伊等
割斷脚筋且割筋又多弊竇是以無所畏忌販賣
如故請嗣後窩隱販賣之人照開窩子光棍例將

為首之人擬斬立決護送牽合及用銀興販之人俱照為從例發往寧古塔等處給披甲人等為奴

此條

官員兵役拏獲窩隱之人照拏獲強盜窩主例分

別議叙給賞則緝拏必力兇徒知所畏懼興販之

亦當言之鄂爾泰詳細斟酌

事可以永絕矣以上四條臣灼知其弊冒昧妄陳

伏祈

聖鑒施行謹

奏

諒督臣鄂爾泰自然次第料理所奏知道了

雍正五年十二月十五日署理貴州布政使印務

按察使臣赫勝額謹

奏為請

旨事竊查雲貴開墾事例部議令官生等交銀布政司
出給實收一案臣署任後正行嚴禁包攬需索并
飭貴陽等府招民開墾即據生員朱曙等陸續具
呈捐監前來臣隨即查例照數彈收正在貯庫間

據該生等稟稱從前事例俱有平頭及部費紙筆

飯食等項今既無平頭所有紙筆飯食等項使費

情願每畝加銀六分交收等語伏查從前事例原

有使費等項今既據伊等踴躍急公情願每畝加

銀六分相應如其所請一併彈收貯庫除稟明督

臣鄂爾泰署撫臣祖秉圭外此項銀兩應請量給

院司書役人等二三分為紙筆飯食之費餘盡入

公以資開墾統於墾荒案內與正項銀兩一併造

冊奏銷臣未敢擅便伏乞

皇上批示遵行謹

奏

此非汝當專主亦非汝能料理之事但一一稟明該督聽其指示而行方是或將鄂爾泰如何料理之處事後隨便奏聞則可似此越分請旨大不是矣戒之慎之將此諭錄與鄂爾泰看令其知之

殊批諭旨卷一百九十三

欽定四庫全書薈要卷八千一百六十六

史部

硃批諭旨卷一百九十四

硃批廖坤奏摺

雍正七年十二月二十四日湖廣襄陽府同知

臣

廖坤謹

奏為遵

旨密奏事竊

臣

恭覲

天顏蒙

皇上垂念臣祖廖有功殉難微衷

特加異數疊沐

高厚隆恩亘古未有臣中懷感激時存敬凜不敢少隣

解忽上負

既能具此一奏諒汝非負恩者矣
聖恩下忝臣祖臣於本年九月二十八日恭請

聖訓伏被

溫綸垂誨准臣摺奏臣自出都以來即沿途查訪於十

一月內到浙所有見聞擬合分條密

奏

一聞知江南有周崑來者善能演用長鎗遊歷各
省行蹤詭異更聞有張雲如以相面坐功邪術符
法煽惑人心及臣到浙時已經督臣李衛訪拏更

有素能行功鍊力之甘鳳池誘擒到署現在一同

皆朕

所悉知之事此奏可嘉之至

飭審又聞江蘇按察使馬世炘之子曾拜張雲如
為師內有一程姓鹽商與各處匪類往來屢經浙
督李衛差拏各犯而馬世炘竟為庇護支吾抗犯

不發此更為負

聖恩之甚

一聞得盤查江南松江府原任杭嘉湖道王溯維
徵比舊欠不待百姓自完惟恃苛求酷責民多怨
聲前蒙

皇上聖明敕下緩徵百姓歡呼咸頌

聖德時有本地百姓稱為王溯維挂斗誌感王溯維信
為實然出堂懸斗則斗上所書乃係

相之蕃曾經奏聞於朕
上諭能無愧乎六字當有提督栢之蕃勸散

一聞得江南浙江兩省今歲武科鄉試弓馬技勇較之從前倍多精好但江南較射竟至黑夜又值天雨弓箭盡濕以致狠好技藝之人多有不得合

江浙人士武非所長料亦無甚可惜之才
式者至浙江武闈雖實心考較拔取而定數之外

好字號尚多是以江浙兩省武科俱有遺才之論

似此行爲乖縱何能逃李衛之察訪
一浙江杭州府屬之錢塘縣知縣李惺任性偏執

無論事之大小多用夾訊人皆怨尤

一臣到浙之日正值徵漕之候督臣李衛委令糧

道朱倫瀚親往有漕各州縣水次查察因今歲年

穀豐登百姓踴躍輸將較之往年收兌早竣但朱

所奏

倫瀚諸事稍覺退縮不能勇往向前臣不敢為之

欺隱

以上數條皆臣親見親聞不揣冒昧據實陳

奏伏乞

睿鑒謹

奏

覽

雍正八年三月初四日湖廣襄陽府同知臣廖坤
謹

奏為恭繳

硃批原摺事本年二月十一日臣家人回蒙
皇上天恩賜臣摺匣四箇臣恭設香案望

闕叩謝敬啓摺匣跪讀

宸批深荷

皇恩浩蕩

天語溫和，不特臣舉家感激涕零，即臣祖在九泉亦必

銜

聖德於無窮矣。今臣竊有請者：臣胞兄廖傑原任四川

朕不知廖傑乃汝胞兄，此奏嘉是覽之，但汝兄負職被

參不但不忠亦屬不孝，汝當深以為戒，候降諭免其賠

見蒙

全命部引見面審才具可否，棄瑕錄用，並詢明前案有

聖明垂念忠節後嗣

恩恤無完押處自另有旨有加後因佛喜委解贓金一案臣兄愚昧未將漆

平餘金分晰詳明竟自添充以致革職繫獄去秋
審擬賠金問徒已經結案今雖監禁刑部若限內
賠完猶望邀

恩豁免何敢為之陳請但臣祖廖有功殉難之日家產
盡為耿逆抄焚至今房屋地畝俱無臣胞兄應賠
金子四十五兩萬難完繳故冒死瀆陳情願將臣
每年俸銀在本省司庫扣繳代為完納并念臣兄

但恐下愚不移耳若國家恩施所及即能感發人之天
實因疎忽革職似與別情獲罪有間伏懇

良則愚不肖者悉可變為賢智朝廷用人非難事矣孰
皇上天恩或發往邊疆効力臣兄心非木石擔當致身

知竟大不然速者且置姑就汝所知者而論如年羹堯
圖報決不敢復蹈前轍矣再有請者臣於雍正七

馬世坻等輩受恩可謂不輕豈伊等心皆木石耶人心
年恭請

難測只可試看豈得以常情而概論之
聖訓蒙

皇上面諭外省或有好人或有好官素所深信者著臣

具摺以功名身家保之臣蒙

皇上如此深恩安敢不細加體察冒昧妄保以負

廣採博訪之至意今有浙江紹興府蕭山縣監生候選

既據汝保薦張維唐侯調來引見汝少未更事萬不可

縣丞張維唐居家孝友謹慎誠實事機明白年力

如此深信人人心難定今日如此明日如彼隨時變遷

壯強此臣實可保之以功名身家者也儻蒙

非同器具已成不可改易者不逆詐亦當不逆不詐若

恩准伏乞

皇上敕令浙江督臣李衛再加體訪詳為看驗如果堪

節為最難明達是理者甚少日前向汝未曾諭及嗣後

保薦即著李衛給咨赴部引

過便再當訓示但批諭未若而訓為詳切遲一二年或

見試以職事必能實心辦理臣不自揣冒瀆

有另用汝處於引見時方可備悉示汝也况汝此任之

奏請伏乞

欽定四庫全書

殊批諭旨

六

下屬不過一二微員擬令識見稍短亦無甚大疑
睿鑒臣更有見聞擬合分條密

奏

一聞有叅革河工通判張鵬飛潛住蘇州來往江

浙地方肆行招搖專打聽各衙門事件捏造流言

此奏

可嘉之至伊兄在日劣蹟為朕所聞曾經懲處今

恐嚇以為訛詐張本更聞得歷來河工弊竇皆其

伊仍

不遷改尤屬可惡已另旨察究矣

素悉優為若究伊從前各項冒銷根底必能和盤

托出將來河帑亦可無欺隱之虞矣

一聞浙江提督萬際瑞作事乖張不知大體帶有

據李

衛亦曾奏過但萬際瑞前任粵提被朕責其罷軟

犯罪部

辦朱姓徐姓在幕用事惟言是聽諸事苛

悠忽

此任或有意為之亦未可知朕經屢次訓諭又命

求

以致營伍盡出怨言有李宮保臨兩浙商安民

李衛

轉飭矣試看何如再定原徐庸平材質朕亦因念

樂萬提督鎮四明鬼哭神號之對粘貼教場臣雖

而推恩擢用似此寧非具木石之心者乎

伊祖

與之同鄉亦何敢為之欺隱

一聞得江南匪棍張雲如并程姓鹽商一案有揚

州張三回子及楊姓兵丁在內提拏到杭之日張

此案

已明業據承審部臣備悉題奏矣如范時繹皆心

三回子

身邊帶有人參棗包夾棍葯脾蛇膽山羊

果木

石耶今覽汝此奏則萬際瑞范時繹二人非木石

血攬和人參膏等物被承審府廳搜出訊其由來

居心

而何大臣尚如此

范時

況汝兄與張維

唐乎

於人

切切

關重案

云是

江南

督臣

范時

繹堂

官黃

四所

付事

關重案

過為

篤信誌之

臣不敢壅於上

聞此俱臣所親聞謹繕密摺陳

奏伏乞

睿鑒謹

奏

嘉悅覽焉密之密之

硃批諭旨卷一百九十四

欽定四庫全書薈要卷八千一百六十七

史部

硃批諭旨卷一百九十五

硃批彭維新奏摺

雍正七年閏七月十六日吏部右侍郎署理蘇州

巡撫印務總理清查錢糧事

臣彭維新謹

奏為請

旨事竊照清查江蘇各屬積欠錢糧前奉

諭旨令原任戶部侍郎臣王璣與會同撫臣尹繼善

御史伊拉齊總理其事所有

欽命總理清查關防一顆向係王璣收掌因王璣奉旨革職於本年七月二十一日交送到臣隨具疏

題報在案伏讀

諭旨工部侍郎馬爾泰著往江南與彭維新等同辦清查錢糧之事御史安修德亦著前往協同辦理欽此
欽遵今侍郎臣馬爾泰同協辦御史安修德俱已抵蘇其清查事宜臣等謹遵

聖諭凡一切案件俱係公同敬謹辦理所有總理衙門
關防應否交送馬爾泰收掌嗣後凡公辦清查錢
糧事理仍行公同用印相應繕摺請

旨伏念臣受

恩愈深矢報彌切臣於清查一案責任固不敢稍諉心
力更不敢稍懈惟是從前所辦實屬負職荷蒙

皇上不加罪譴更

命臣署理巡撫重任臣從此益加勉勵督率印協各員

實力辦理務期清釐以圖仰報

聖恩為此謹

奏

清查一事汝等秉公盡心與否斷不能掩朕耳目斯乃
朕留心經理之要務也勉為之

同日又

奏為奏

聞事臣查江蘇所屬地方自夏入秋雨水調勻早禾業

已登場據各屬報稱收成俱有八九十分不等市
上米價平減其晚禾現在晾花結穗青葱茂盛將
來秋收豐稔已可預慶理合繕摺奏

聞仰慰

聖懷謹

奏

深慰朕懷但以公忠之心黽勉吏治

上天自無不昭錫嘉應之理其效捷如影響也勉之

同日又

奏為據實奏

聞事臣仰荷

聖恩署理江蘇撫篆到任之後查得本年六月初三七
月十六十八二十二二十八等日據潼安衛邳州
睢寧宿遷江都等縣各報蝗蝻生發隨飛飭撲滅
去後復據各屬覆稱幸係蝻子初生尚無羽翼立
時撲滅淨盡並未損傷田禾又據六合縣報稱七

月十四日夜風雨交作倒塌民間瓦房四十七間
草房一千三百二十一間營房六間被水男婦八
百二十九名口打傷男婦二十二名口壓死男婦
十二名口隨經飛飭布政司一面查勘一面議動
公項銀三百兩委員往查賑濟又據長洲縣報稱
閏七月初四日未時火藥局失火燒塌小屋三間
當即救滅燒斃夫匠王茂榮曹阿華二名燒傷程
三等十四名臣即捐銀分給燒斃各家買棺領埋

被傷各家醫藥調治復據蘇州府查報緣藥局初
移地潮藥濕匠頭程公遠將藥曬晾各匠在於石
臼中碓藥臼嘴迸出火星烘去火藥四十餘石硝
磺十餘石即時救滅幸大火藥局依然無恙竝未
延燒民房經管局官情願賠補等情除嚴飭官匠
人等嗣後加謹防範不致稍有疎虞外理合據實
奏

聞謹

奏

覽所奏數件大槩朕皆已聞矣內惟火藥局關係新改設者或方向有不合宜處亦未可定再舊局地方恐有遺存前人所藏之藥搬移未盡者尤當檢點詳慎

雍正七年八月二十九日總理清查江蘇等處錢糧事務署理蘇州巡撫吏部右侍郎臣彭維新等

謹

奏為奏

聞事臣等奉

命清查積欠錢糧時凜

聖訓凡與分查大員會商及接見各府州縣印官協查人員均行切加訓誡飭令實心辦事倘各員內有辦事不妥之處臣等一有所聞即當陳

奏茲聞得分查鎮江府錢糧汀漳道朱鴻緒辦事任性舉動輕率江常鎮道王之錡來蘇時臣等公同面詢據稱朱鴻緒辦事頗能盡心而行事率多任

意有丹徒丹陽民役人等因其告狀不實回話舛
錯或令自吞狀紙以辱誣告之人或令舌舐塵土
以示錯誤之罰又因金山寺僧有積欠錢糧百餘
兩朱鴻緒令其全納以瓦片摩頂示辱又在城隍
廟速報司內將欠糧人姓名單令道士日逐念誦
做其完糧又於拖欠錢糧之胥役人等不行杖責
令人以掌擊頸又或對人云積欠錢糧務於兩年
限內全數通完方免分查後累等語度其心原為

急欲懲治頑抗而迹其所行諸事未免輕率怪誕
本應立時叅

奏臣等再四思維朱鴻緒係分查大員若以催追稍
覺過嚴舉動涉於輕率遽被叅劾恐長刁風業經
傳調朱鴻緒來蘇面加訓誡嗣後如仍不悔改臣
等再行據實

題叅合先奏

聞謹

奏

所奏是朱鴻緒舉動雖屬失於檢點之小過尚在可恕
但似此輕率怪誕恐大過即隨之矣

議覆條奏之摺另有旨交部頒發

雍正七年九月二十五日吏部右侍郎署理蘇州

巡撫印務總理清查錢糧事臣彭維新謹

奏為據實覆奏仰祈

睿鑒事竊臣具奏早禾收成分數一摺奉到

硃批臣惟有敬遵

聖訓黽勉吏治永矢公忠於一切政務策勵駑鈍不敢

少有怠忽又臣具奏清查錢糧一摺奉到

硃批伏思江省吏治之不振民俗之不淳率因錢糧混

惟宜釐剔積弊以清楚案件為要不可專以催比錢糧

淆之故臣惟有矢公矢慎殫心竭力徹底搜剔錮

之多寡為務也此舉實不為錢糧起見少若錯會朕意

弊務期官侵吏蝕民欠織毫畢露將糧冊窮源抉

則一番善政殊屬可惜汝其謹誌毋忽切莫涉於小見

根使捏名及花分各詭戶凡紳衿士庶悉歸併實

在的名則將來自難拖欠又臣具奏蝗蝻雨水火

藥局失火一摺奉到

硃批

臣

查看改設藥局方向係正南實不相宜今謹擇

壬癸方四面距民居濶遠地復高爽將來專貯硝

磺其軍器等項當另貯高塏之房至舊藥局有無

是

收藏或搬移未淨現在確查竝深掘驗看又臣具

奏辦理積案一摺奉到

硃批

臣

自接印辦事以來每日竭力儻辦

臣

辦過新舊

案件已經具

題者共二百二十餘案已經咨部者共一千一百八十二案從茲舊案漸覺清理合併

奏覆謹

奏

嘉悅覽焉

同日又

奏為據實奏

聞仰慰

聖懷事竊照江蘇所屬地方今歲晚禾收成分數經臣

行據布政使高斌查據江寧蘇州鎮江淮安四府
屬通計約有十分及九分以上不等常州松江揚
州三府太倉通州二州屬通計約有十分九分八
分以上不等邳徐海三州屬通計約有九分八分
七分以上不等其高粱豆粟芝麻棉花并各色雜
糧俱皆豐熟霜降以後連日晴霽俱已收穫登場
各屬市鎮米糧價值平減羣黎樂業父老歡呼理

合具摺奏

聞謹

奏

覽收穫情形實慰朕懷

同日又

奏為奏

聞事竊照鄉試掄才

大典攸關茲臣聞得江省榜發後闕傳第二十二名

王以式第七十九名王以秀俱係省城緞店王公
瓚之子內通關節外作傳遞兄弟同中省城徧貼
歌謠十八日主考會同監臨等官覆試除有無情
弊俟覆試後聽監臨主考查察外事關科場理合
奏

聞謹

奏

朕早聞矣此事似無情弊乃係棍徒捏詞誣謗耳

雍正七年十二月初四日總理清查江蘇錢糧事

務侍郎臣彭維新馬爾泰謹

奏為奏

聞事竊江蘇各屬歷年積欠錢糧至千有餘萬兩我

皇上明無不灼於積欠弊端洞悉無遺深知官侵吏蝕
多捏造入民欠之中以致混淆不分

特降諭旨命臣等總理清查分晰官侵吏蝕民欠三項
絲毫不容混淆臣等恪遵

聖諭徧為敷宣屢加開導動其天良令官吏侵蝕弊混人等俱遵

旨據實自首免罪仍准分年帶徵又頻飭分查大員及印協各員務期詳細查察不可絲毫徇隱借端擾累無如各屬積欠錢糧弊端叢集難以悉數其中除民欠之外官侵吏蝕者實居大半臣等雖殫心釐剔竭力稽察而才識短淺聞見不周致上厪

君父之心周詳誥誥誠茲跪讀

諭旨愧勵交至當即欽遵刊布徧貼曉示使遠鄉僻壤
益恣

聖意但恐前項胥役紳衿積弊已深猶不能無觀望希
冀之想仍冀故智臣等仰承

聖主任使自當更加詳細察查使從前舞弊人等不致
稍有躲閃現又追查出經胥等私藏底簿而侵蝕
包攬之徒惟恐其不能掩蓋不無拂意懷私仰賴
我

皇上至聖至明一切均在洞鑒之中臣等不復少避嫌
汝等回應不避嫌怨盡心釐剔而謂朕亦不存遠怨之
心可乎
怨略事瞻徇務期官侵吏蝕民欠三項詳慎查察
徹底清釐庶幾仰副

聖主為民除累至意為此繕摺奏

聞謹

奏

汝等雖極力分辨究於錯會朕意識見卑鄙二語不能
辭其咎也

雍正八年十二月初四日總理清查江蘇錢糧事

務吏部右侍郎臣彭維新謹

奏為奏

聞事竊照江蘇等屬積欠錢糧侵蝕甚多臣等奉

命清查自雍正七年三月內起酌式造冊遞次挨查至

雍正八年七月內遞據各屬具報侵蝕人等自首

及察出侵蝕包收等項銀共三百一十六萬兩零

今自本年七月內起至十一月又遞據各屬續報

官吏自首侵蝕銀八十四萬二千三百四十餘兩
連前通計自首及察出侵蝕銀四百萬二千三百
四十餘兩俱令將所侵都圖戶名核查註明冊內
其向未陳首與首而不盡者仍在陸續補首我

皇上明照萬物洞悉江蘇等屬積欠弊源

特命徹底清釐凡編戶黎庶鼓舞懽忻深悉

聖主為民除累盛意目今祇胥役土棍中有極其詭猾
之輩希冀觀望多方朦混尚將侵蝕之項弊中舞

弊誘壓鄉愚囑託親友代認作為民欠者臣等現在嚴切曉示設法稽查至挨查未竣之屬時飭詳細剔清即已報查竣各屬仍飭更將查過冊籍逐細研核俾免混淆此外又據各屬官吏自首及察出侵蝕災蠲銀七萬一千八百餘兩內有與清查民欠相蒙之項並飭協查之員一併確查註冊臣仰沐

恩光俯思職業惟有矢竭愚誠詳慎查察稽核釐剔不

敢少懈期於積弊畢呈清查有效庶幾上答

聖主任使洪恩於萬一為此繕摺奏

聞謹

奏

覽奏知道了務須言行相符以副朕特命清查之意

雍正九年六月二十六日總理清查江蘇錢糧事

務侍郎臣彭維新協理清查御史臣安修德謹

奏為奏明事竊臣等於雍正九年五月二十七日欽

奉

諭旨民欠中有捏稱侵蝕者著詳細確查有應更改之處即行更改務使分晰清楚毫無疑竇欽此欽遵仰見我

皇上睿慮周詳不惟使侵蝕民欠逐一界畫分明且

思憐臣等愚蒙得以釐謬正誤臣等跪讀之下欣惕交并迅即通行布政司各分查大員暨該府州及各州縣印協等官一體欽遵務必詳加確核分晰清

楚以期仰副

聖主為民除累至意伏思

臣等奉

命清查屢蒙我

皇上訓誨諄切極思竭誠辦理期無牽混此案頭緒紛繁各屬實徵等冊又大半不全多方蒐羅參證始克造冊挨查且吏役弊根深隱印協官才識參差即據報不涉游移而端委更須確核中心惴惴時防有誤雖經切飭各屬將查明侵欠數目分晰開

單發給糧戶收執以杜胥役欺誑且慮侵欠數內
尚有不盡不實或侵蝕捏作民欠民欠混入侵蝕
者均得據實呈明更改嗣雖據報有更改之屬而
臣等留心察訪猶有更須磨核者即如各州縣有
歷年經管錢糧之人其名則圖書區書里排等類
隨地殊稱其人則民庶衿監各色人等充當承頂
其家則田地產業有無不等俱係日在衙門承催
應比雖隸民籍實與役為伍勾串包侵是其慣技

其無田者自首包侵必須開具都圖戶名清釐即
有田者臣等必飭印協官詳細核査逐加分別若
係自田自欠仍為民欠其侵收他戶錢糧亦必查
明確實始列侵蝕但此輩狡幻百出本無田地者
每將他戶錢糧詭立自己戶名頻年收侵堅稱自
欠即本有田地者或將他人錢糧併入己名或捏
立詭戶假稱所分子戶恣意侵用使人無從指摘
其間為侵為欠迹介微茫若查察稍疎刁蠹弊串

遮瞞羣然捏侵為欠然稍涉執泥查察偶一過當
又不免混欠於侵如此等類尚須核正茲欽奉

聖諭益加詳慎備細確核倘有似此民欠捏稱侵蝕之
項即行逐加查明據實更改務將官侵吏蝕民欠
三項分晰清楚不留疑竇并此外一切清查事務
惟有矢公矢慎不敢少近苛刻亦不敢少涉和同
平情酌行次第辦理擬統於事竣之日分別

奏明未敢頻數列摺冒瀆

聖聰也為此繕摺奏

聞謹

奏

目前難言汝等之是非俟清楚結局時自有水落石出之定評也勉力秉公為之

總理清查江蘇錢糧事務吏部右侍郎臣彭維新
謹

奏為敬陳江蘇錢糧善後條件仰祈

聖鑒事竊臣奉

命總理清查江蘇積欠錢糧欽遵

聖訓詳慎察查辦理以來隨事隨地時刻留心凡得之
見聞驗之察訪稽之案卷徵之事情見吏蝕之弊
至於不可枚舉穢官侵虧由彼迎導雖其侵蝕之
詭術多端侵蝕之情狀萬變而究其弊之所從生
由於在官則糧冊既無的名簿籍不存內署在民
則戶甲常被暗換科則非所素知夫官不知糧戶

實在姓名完欠民不知在官實在科則甲戶官民
兩相隔絕是以官之徵比民之完納一聽操縱於
吏胥之手遂致百弊叢生恣意侵蝕也今值清查
之時侵蝕胥役雖畧收斂現年錢糧亦少包侵然
根柢不趁此剔清則侵蝕仍乘間萌起懲其已往
之弊可防其將來之姦此清查錢糧善後之法有
宜亟為審酌者臣請為我

皇上陳之一錢糧宜歸併的戶也一科則便民小單宜

給發也一關係錢糧緊要簿冊宜存貯內署也一
版圖清賦之法宜行也以上四條臣因江蘇錢糧
已然之弊而審思將來防範侵漁包攬之方其事
簡約庸近然於杜弊清賦之大要庶幾千慮之一
得焉用敢不揣愚昧謬抒鄙見是否有當伏祈

皇上睿鑒施行謹

奏

能思及善後方為不負朕之任用否則今日之清查亦

屬徒勞無益況汝等之功過實係於此所奏其中細微
曲折朕雖不能洞悉無遺姑據二者而論如歸併的戶
填註姓名居址一條恐致紛繁滋擾如給發便民小單
糧完呈繳一條似覺通順易行可與尹繼善李衛會同
詳細斟酌更訪求現在各官內胸有識見熟悉該地土
俗人情者共相和衷論究務得永久行之而與國計民
生有益無損處妥確定議奏聞

硃批諭旨卷一百九十五

欽定四庫全書蒼要卷八千一百六十八

史部

硃批諭旨卷一百九十六

硃批阿克敦奏摺

雍正四年七月初十日署廣州將軍臣阿克敦謹

奏為奏

聞事臣於本年六月二十九日到廣東省城即准將軍

臣李杅差員齎送

敕印臣隨於七月初一日署理任事李杅亦於初一日

起身回京臣先於途間聞得有人欲俟臣到時呈
保李杅在街市上貼傳單約人及臣到任之日兵
民俱感服

皇上威德遠近寂然從前雖有傳單之舉究無一人具
呈攀留臣到任之初即向旗員營弁宣布

聖主養育之恩

朝廷法紀之重嚴行訓誡莫不俯首感悟共凜

國典其附省百姓業已帖然安靜且年豐米賤人人

樂業可以無煩

聖慮至生事棍徒借端喧鬧惡習斷不可滋長

欽差臣塞楞額已於七月初四日到省臣與楊文乾即

遵

旨會審俟審得確供定擬另奏外謹此奏

聞

貼傳單約人之舉或係陷害李杖之作用亦未可知為
何不將此等棍徒訪拏追究耶

諭署理兩廣總督阿克敦前交爾帶往粵中以緊要水師營遊擊缺補用之三等侍衛胡廣伊因患病未隨爾同去後於六月十二日奏明起身於引見時朕看其形狀不似有病之人據伊奏稱廣東水師地方不諳惟於福建水師熟悉情願在福建閩安營効力即求補用彼處等語朕觀其漢仗雖好聽其奏詞一無知識粗蠢糊塗甚屬平常況求本省做官有是理乎看來前日之不隨爾起身明係推病嬾去爾於彼時曾否查詢伊是何

病證今伊到粵止可暫令署理營缺留心試用如不過人糊塗猶能管兵拏賊操守不濫還可姑留倘若又不安分如何用得可即行叅奏特諭

雍正四年十月二十二日署廣州將軍

臣

阿克敦

謹

奏為欽奉

上諭事雍正四年九月二十三日

臣

接奉

硃筆

上諭遵查三等侍衛胡廣高華松係本年五月初三日

奉

旨交臣帶往廣東以緊要水師營遊擊缺補用之員臣

於五月初六日請

訓時據高華松稱胡廣於途中墜馬傷足不能前來俟

愈後再請

訓起程令華松代稟轉奏等語臣即

奏明隨於初八日起程赴廣其墜馬之處臣實未曾

親見嗣胡廣於八月十五日到廣臣署將軍印務
隨咨送督臣孔毓珣經孔毓珣會題請補左翼鎮
標左營遊擊現在委署任事臣當欽遵

諭旨留心試用不時察訪如有不安分之處即行叅奏
斷不敢稍為姑容謹將

硃諭恭封呈繳謹

奏

朕看此人甚屬不妥留心試用

雍正四年十二月初九日署兩廣總督臣阿克敦

謹

奏為奏

聞事竊廣州將軍臣石禮哈於十一月初八日到廣臣

即遵

旨將印信交送十二日由省起程十五日抵肇十六日

准督臣孔毓珣將印信交送到臣臣隨於十七日

開印署事業經具本

題明在案本年五月初六日臣恭請

聖訓時蒙

皇上天恩念臣未經外吏令臣將一應事宜細問孔毓
珣及孔毓珣與臣如何交代之處奏

聞欽此欽遵謹將孔毓珣與臣交代並臣問孔毓珣之
處備細繕摺恭呈

聖鑒

一孔毓珣將會議海洋統巡奉到

上諭一道并

硃批孔毓珣覆奏金鐸條奏巡海一摺面交與臣據稱
因撫提二臣未經畫一議覆不能會奏俟覆到之
日令臣即行奏繳臣敬謹收貯俟楊文乾萬際瑞
等覆到之日

是

奏繳

一據孔毓珣稱兩廣鹽課每年四十五萬餘兩羨
餘銀五萬餘兩外又雍正三年分子鹽價銀并西

省盈餘銀及前督臣楊琳任內發出鹽包銀零星
湊足銀共四萬兩業經

奏明在案今四年分有子鹽餘耗等項銀共二萬七
千餘兩又收起前督臣楊琳發存廣西鹽包銀四
千一百餘兩現交鹽庫自十一月以後至歲底如
有積湊可於明年三四月間一併彙解奏

聞等語臣現行鹽運司逐一查明貯庫外俟年前截算
統於明年據實

知道
奏報

好必

一臣問孔毓珣現在鹽政有無應行更革之處據
加詳悉斟酌籌畫萬全方可更革毋得草率從事
稱鹽務俱係循照楊琳舊法目下似無庸更革等

語臣現在留心查訪有應議行者另摺請

旨

一臣問孔毓珣兩省文武官員賢否如何據稱兩

孔毓

珣只此察吏一著甚屬不及總之柔軟將就之風
省文武各官除已經舉劾外才能超卓者甚少而

其來

已久設不如則內外不容原難處也所以朕今
敗檢不堪者亦無其人到任之後統聽查訪以示

力別此弊以挽頽風爾當領悉朕意

一臣問孔毓珣向來公用賞兵等項從何支取據稱總督衙門舊有兩省稅規俱已裁革公用賞兵等項惟有廣東藩庫平銀八千餘兩可以支用

一臣向孔毓珣說今奉

旨署理印務凡接任後辦理之事俱屬一體一切應行事宜及已行未完之件須一一交明庶不致錯誤據稱一切事宜總在臨時斟酌亦無已行未完之

件實無可交代之處

以上臣問孔毓珣及孔毓珣與臣交代等件謹此

奏

聞

覽

同日又

奏為恭謝

天恩事竊臣進摺家人齋捧

欽賜

御書墨刻一卷

上用克食一匣到肇臣隨出郭跪迎至署恭設香案望闕叩頭謝

恩祇領訖伏念臣猥以庸材疊膺簡任未能報稱方切悚惶荷蒙

宸翰遙頒

上珍遠被飽沐

恩膏益凜冰兢於夙夜時虔瞻拜用嚴咫尺於

帝天臣無任感激歡忭之至謹具摺恭謝

天恩伏乞

睿鑒謹

奏

覽奏謝知道了但一切莫沽虛譽俱當實力行之封疆
之任除察吏緝盜之外別無安民良策也

同日又

奏為奏

聞事竊查粵省各場產鹽必須天氣久晴方能煎曬故引鹽全賴九月以後正月以前雨少之時收足至春夏雨多不過零星添補去歲因秋雨連綿產鹽稀少今年配引不敷鹽價昂貴及七八月間又復多雨以致各處鹽價長至四五分不等自九月以來天氣清明各場產鹽甚多鹽價減至一分有零將來各場漸次運出不但鹽價可減而額餉亦得

充裕矣謹此奏

聞

凡百總賴

天地神明俯垂庇祐耳但以公忠二字默契於

上蒼自然一切無不順敘也敬誠之念刻不可忽慎之

同日又

奏為請

旨事竊查粵省山海交錯所在險要而瀕海一帶自廣

海寨而東歷香山虎門以至平海碣石惠來等處
外海內河盜賊出沒不時全賴左翼碣石二鎮總
兵官正已率下訓練巡防方能緝盜安民臣自到
廣以來聞得碣石總兵官陳良弼秉心貪黷凡有
漁船出口俱勒陋規撥換巡防拔補弁目亦多索
取惡蹟彰著左翼總兵官藍鳳年逾七十昏憤廢
弛伊一子頂鄭紹祖兵名拔補把總一頂林茂兵
名拔補把總俱倚勢驕縱苦累兵丁似此劣員實

不宜於重鎮臣即當題叅但二鎮均係要地定例
題叅總兵即應摘印誠恐

皇上簡用人員一時不能到廣有誤操防為此繕摺奏
聞伏乞

皇上指示臣再具本題叅庶要缺得人而海疆永靜矣
謹

奏

此二人之劣處朕早已聞得尚未知如斯之甚因念其

皆係久於營伍頗稱老練曾經數次嚴訓望其遷改孰料其昏迷至此蓋自以為年已衰老日暮途窮乘時亟取以作退休之計耳甚屬可惡爾如此據實上奏殊為可嘉朕甚獎悅二缺現揀擇勝任之人爾即具本題叅可也但水師之員頗不易得凡諳練水師有膽氣者大都貪悍之夫奈何奈何爾於粵省副叅中查訪如有出色人材可一面題明署理二鎮一面題請補放俟朕與在內揀擇之人一同再為酌定

同日又

奏為請

旨遵行事竊臣查兩廣鹽政惟福建汀州府八屬向銷
廣東潮州廣濟橋鹽斤每年額徵餉銀三萬九千
九百三十七兩零額銷引六萬六千七百八十四
道零內僅有長汀一縣額引之外可以多銷其餘
七縣不能照額銷售歷年課餉艱於辦納嗣於雍
正二年五月內經督臣孔毓珣將汀州一郡引課

著八縣協辦知府總彙其成每年知府出具印領
自備鹽價水脚赴潮領運分發八縣通融銷售如
有不完將知縣知府一併列叅等因具題部覆奉
旨依議欽遵在案茲臣到任檢查

奏冊內開汀州八屬雍正元年分未完課餉七百九
兩二年分未完課餉二萬八百九十餘兩三年分
未完課餉三萬二百餘兩臣細查其故一由各縣
陞遷事故正署各官不一其人每多觀望一由各

縣無力措辦鹽價水脚以致輓運不前貽誤課餉
若不設法變通不但舊欠無補抑且本年新餉難
完關係匪輕臣請仍照孔毓珣

題定之案尚責知府分撥各縣融銷外另委幹員押
送帑鹽督同售銷將賣出價銀扣除鹽價水脚盡
數解庫務足本年額餉如有盈餘酌量分抵舊欠
庶運鹽速而撥銷易

國家之正課官吏之考成均有賴矣是否可行伏乞

皇上批示遵行謹

奏

此等事全在爾因地相機權宜料理朕未洞徹事之原委及地方情形難諭是與否也應行者行應具題者具題措置得當朕自能照悉其秉公勉力為之

雍正五年正月初三日署兩廣總督臣阿克敦謹

奏竊署廣東按察使叅政道殷邦翰係撫臣楊文乾題請留粵補用之員臣細察其人有辦事之才而不

正用屬員百姓俱有怨聲謂其過於殘刻遇事惟

不可為憑

有良

務翻駁而不實心上緊以清案牘現據署臬司肇

高道王士俊通詳內稱接署臬篆塵案纍積命盜

若

以此為定評則不確此係從前堆積之案於殷邦朝

未經審結者共五百餘起此即其明徵也今給咨

接署之時楊文乾亦經如此奏過且奏稱有六七百案

送部引

云
見仰蒙

皇上睿鑒自必洞悉其微但臣既有所知不敢不據實

陳奏謹此奏

聞

殷邦翰之原委甚長不便全諭言伊不受者已盈朕耳
但楊文乾力言其實心任事因不瞻顧而招衆怨此人
朕從未覲面今准著伊引見到京之日朕留心一看斷
不能掩其真偽也不知爾此論係得之人言抑或係親
驗確察洞悉其立心行事耶若出自屬員之口當再加
詳審朕即位於今四年輿論二字不但不足為憑竟全
然不可聽信大約衆所喜者率皆潔己而不奉公上欺

朝廷下徇屬吏假和平恬靜之名而廢弛因循置諸務於不理之人此乃吏治民生之大患朕所以竭力挽回諄諄訓誡者也爾等亦當痛改此習凡遇屬員中有立意沽長厚之名而不肯破顏整理地方事務者宜嚴懲以警衆若實係居心深刻兵民交怨性急過剛但知有己而不知有人傲上陵下與衆不合翻駁前案此等形迹鑿鑿可據者自當詳察糾劾不然則何能察吏也察吏之道少不聰明被人欺瞞則安民之術矣爾將此諭

當銘刻五內信受遵奉時時警惕庶幾不受人愚不忝厥職否則難望地方獲治安之效也勉之勉之

同日又

奏竊臣標五營及肇慶水師城守二營兵丁臣到任之後即按日操閱查各兵內烏鎗手頗皆嫻熟惟弓箭平常今一月以來弓力漸長有能用四箇力以上至五六箇力不等者再廣省山海交錯藤牌挑刀最為利器各營雖有藤牌挑刀因不演習俱

屬生疎臣亦現今各營演習至兩省營伍除接見過將備各官嚴加訓飭外餘俱行令不時操練以期有濟於緝盜安民之實用謹此奏

聞

好朕甚嘉之爾自到廣東署理兩任一切奏章料理各事件甚屬妥協如果言行相符何煩朕訓諭勉力為之都中內外安平新春以來頗覺順遂如意特諭爾知為朕歡慶

同日又

奏為奏

聞事竊臣據廣州城守副將賀捷報稱十二月初九日
午時內城城門忽然鎖閉未時仍開現在查探未
得實據臣隨各處密訪聞係兩三日前有謠言初
九日越獄之語至是日傍午街上人忽然驚駭奔
告店舖俱關城門鎖閉至未時城門復開內外如
舊當經將軍臣石禮哈拏獲二人手執軍器問係

此事

朕亦聞之石禮哈於此日少失鎮靜彈壓之策
南海縣捕役聞有越獄之事前來救護石禮哈隨

移送撫臣楊文乾審訊責釋臣隨嚴飭城守官不

時稽查防範去後茲於二十九日據廣州水師遊

擊黃錫申報二十六日酉時有番禺縣監犯三十

九人越出隨據將軍撫標及城守營各官兵協同

後一節朕尚未知既有此一則石禮哈前番舉動亦
擒獲當被殺傷者五人今已安靜無事矣雖屬細

不為大錯

事臣不敢壅於

上聽謹此奏

聞

理當如是凡關國家之事何有巨細之分也

同日又

奏竊臣准撫臣楊文乾移送會稿二件一為廣貯倉

穀等事

臣

接閱邱鈔現據九卿議覆無庸臣等另

為置議一為水利基重等事內開請將高要等五

縣圍基頂衝改築石工次衝改用椿埽約計數十

萬金暫借庫銀修築作何補項另疏具題等因緣

臣所見不同是以未經畫題即將原稿移回所有
臣不會題緣由敬為我

皇上陳之臣查廣東之西江自廣西梧州府匯左右兩
江之水流入肇慶府界至廣州府三水縣北合南
雄韶州連山諸水一由厓門入海一由虎門入海
其沿江之高要高明四會三水南海五縣向有圍
基俱係土工開竇建閘以時蓄洩每年於十一月
後地方官督率鄉民按畝分工加卑培薄民不為

苦官無所費相安已久至田畝間被淹浸圍基衝
決多因江水湧漲圍基以內水難外洩所致去歲
秋雨連綿水勢甚大惟三水一邑畧有被淹之處
三水以上肇慶府屬圍基竝無衝決蓋江水雖急
而性不剛猛非必石工椿埽方能抵禦今若改築
則費

國帑不止數十萬且從來工程斷無一勞永逸之理
工完之後勢必逐年修補耗費無窮以臣愚見不

如仍循舊法著令地方官每歲於農隙之時督率鄉民分工修補倘遇江水驟漲不時遣員巡查以防衝決如果實心任事圍基即能保固無虞似可無庸更議是否有當伏乞

皇上睿鑒謹

奏

覽爾所奏甚是楊文乾雖經摺奏本尚未到朕意欲差廷臣中通達河務精於測量之人前往會同爾等地方

督撫詳察再為酌定爾今既有此奏差員到時其秉公
悉心斟酌必如此行方與民生有益不可因費國帑而
忽民生若宜仍舊則又何必多此一番楊文乾奏摺中
有開捐之議朕不但不取且少疑焉總之天下事惟以
適中得當為是耳

雍正五年二月十七日署兩廣總督臣阿克敦謹
奏為恭繳

上諭事竊雍正五年二月十一日

臣奉到

硃批諭旨跪讀之下

聖諭諄切無微不至伏念臣一介微末荷蒙

生成教育之恩有加無已茲承

天語煌煌感悚之忱敢不益勤砥礪以察吏緝盜為先

遇事詳悉斟酌籌畫萬全以冀稍免愆過再臣伏

讀

上諭孔毓珣只此察吏一著甚屬不及總之柔軟將就
之風其來已久設不如此內外不容原難處也所以

朕今力剔此弊以挽頽風爾當領悉朕意欽此仰見
皇上洞察流弊體恤臣下之

聖心臣讀之不勝感切我

皇上用舍舉措悉出大公至正孤介者俱蒙

恩擢黨援者莫不斥除此臣之所目覩深信而不疑者
也况臣子之道只知有

君利害得失所不當計即如臣臣叅劾廣東縣令四員聞

撫臣等嘖有煩言臣總置之不問惟知以此心表

白於我

皇上之前顧忌之私又何必存於中也奉到

聖訓 臣俱敬謹遵奉務期朝夕黽勉以副

聖意謹將

硃批原摺恭封呈繳謹

奏

身膺封疆重任但不涉於柔懦偏執懷私沽譽何事不
就理也勉之

同日又

奏為奏

聞事竊臣查發帑收鹽每年除正課銀四十五萬五千九百八十餘兩并應題報額羨銀五萬一千餘百兩外雍正四年四月內督臣孔毓珣將耗鹽價銀一萬三千六百餘兩廣西省官運官銷餘銀一萬兩前督臣楊琳發存廣西鹽包收完零尾銀五千五百餘兩又零星湊起銀一萬餘百兩共成四萬

兩

奏為直隸開濬河道之用嗣准部咨行令接任總督

將子鹽照舊存留每年據實題報等因在案茲臣

統算共收過子溢鹽價銀又前督臣楊琳發存廣

西鹽包陸續收起銀連督臣孔毓珣移交子溢鹽

價併廣西省餘銀共積湊銀五萬兩現貯鹽運司

庫此竝不累民亦不累商又不累官俱係公項臣

謹繕摺奏

進再查現今奉

旨撥廣西倉穀三十萬石運赴廣東夫船脚價俱於兩
省藩庫動支請將臣所奏之五萬兩抵補庫項除
另摺請

旨外謹

奏

此項當時孔毓珣料理甚屬可嘉不宜更張

同日又

奏為請

旨事竊廣東去歲秋雨稍多晚收微歉荷蒙

皇上軫念民依特撥廣西存倉穀三十萬石運赴廣東

存貯臣遵即飛飭廣西省委員起解并令廣東省

委員接運務於青黃不接之時運至廣東至所需

夫船脚價銀兩部議令於兩省藩庫內動支照時

價分給造冊題銷臣思此項穀石自廣西桂林等

四府二州運至廣東肇慶廣州等處遠近不一費

用殷繁查兩省藩庫除奉撥兵餉之外存銀無多
動支之後庫項不可虛懸臣管理鹽務計算雍正
四年所收銀兩除正課及額報羨餘之外尚有子
鹽餘耗等項共積湊銀五萬兩臣請於運穀事竣
之日即按題銷數目將此五萬兩抵補兩省庫項
如有餘剩就近移存藩庫候撥倘或不敷再於雍
正五年子鹽餘羨等項內補足庶兩省之庫貯無
虧矣伏乞

皇上睿鑒批示遵行謹

奏

此項銀兩照孔毓珣料理

雍正五年三月二十二日署兩廣總督臣阿克敦

謹

奏竊廣東因去歲被水歉收米價畧昂荷蒙

皇上天恩撥廣西倉穀三十萬石存貯東省臣於正月

內接准部文即飛催兩省布政司委員起運接運

去後茲於二月二十三日起自梧州府運至廣州者四次共八萬二千餘石約計閏三月內外可以運完百姓見倉穀源源而至有穀者俱行出糶米價頓減肇城每石一兩二錢有零再惠潮一帶春麥倍收廣肇等府麥收俱好儘可資助民食現今晴雨以時稻秧豐茂民情帖安謹此奏

聞

覽奏米價頓減春麥倍收大慰朕懷此皆卿等能仰體

朕意實力奉行俾兵民心志舒暢感召和氣之所致也
勉之勉之但不可稍有自滿

天道虧盈而益謙禍福互相倚伏將此二語不令一時去
懷自然永永蒙庥也

同日又

奏為奏

聞事竊廣西梧州府蒼梧縣之芋莢山界連懷集賀二
縣并廣東肇慶府之開建封川等處山路險峻出

此案

朕時刻擊念昨於田峻赴廣西時又經再三嚴諭
產礦砂上年有姦民李亞展潘十八等招集夥黨

今覽

此事就緒甚為慰悅

攜帶器械占住山口跟隨者不下千餘人官兵屢次驅逐而礦徒出沒無常經督臣孔毓珣將都司岳咨

題叅革職并檄行兩省通緝在案臣到任後即嚴飭

文武率兵搜捕隨據肇慶協副將李斯援差委弁

目擒獲礦犯總理潘十八大旗手譚六等十四名

如此

方是殊為可喜

暨旗鎗各械解臣衙門臣即親訊押發廣西按察

司收審其為首之李亞展脫逃未獲臣復懸賞購

緝密飭各該地方官訪拏茲據高要縣知縣姜弘

擒獲

李亞展可嘉之至該縣及差役俱應並加獎

焯差捕於陽江縣地方拏獲李亞展解赴前來臣

令且

當題請議敘若從前有疎忽之咎則只可將功補

復親訊押發廣西按察司收審聽撫臣具

過耳

題結案外查李亞展潘十八係偷挖芋莢山礦砂之

渠魁今兩犯先後就擒餘黨聞風遠遁現今芋莢

山場俱已肅清再廣省盜賊皆由積年盜首蠱惑

窮民每至聚黨劫掠若能獲其為首者餘夥不難

如李

五屬等類有名數

大盜若皆就獲粵省之盜風可

望全息矣

解散加以文職力行保甲武職勤於巡防則盜可

弭而民可安矣臣蒞任之初即督率文武各員惟

以弭盜安民為首務經臣訪實之積盜十有餘人

俱已陸續就獲訊明各歸本案現在地方仰賴

好極朕欣悅覽焉其極力加勉
皇上威德頗覺安靜謹此奏

聞

知道了

同日又

奏為欽奉

上諭事雍正四年十一月十五日准督臣孔毓珣面交

臣

硃筆

上諭一道

硃批奏摺一件併鈔錄奏稿一摺內開奉到海洋

硃諭一道與

硃批臣議覆金鐸條奏摺一道因撫提二臣尚未畫一

議覆不能會奏今交署督臣阿克敦俟撫提二臣

覆到會奏等因臣隨敬謹收貯併咨移撫提二臣

去後茲准撫臣楊文乾咨開查海洋弭盜之法一

曰分巡一曰會哨兩者實相表裏不宜偏廢且提

督

奏內雖專主本汛遊巡之議亦已慮及遊巡或有懈

怠更請按李輪委總兵副將巡查若輪委鎮協即

係現在統巡之官而按季巡查又與定例輪班統

巡無異似不若悉遵舊例無庸更改又准調任提

臣萬際瑞咨稱遊巡會哨一案如撫院所議遵照

舊例實為至當相應仍舊等因各到臣查與督臣

孔毓珣原議俱皆畫一臣復細加訪察粵省分巡

會哨之法自康熙五十六年前督臣楊琳

題准自南澳而西龍門協而東分為三路輪派統巡

分巡每路洋面不過千里內外兵丁勤惰易於稽

查匪類竊發易於會捕遵循已久甚為有益惟當

嚴飭各官實力奉行一遇有盜合力勦捕仍令將
下班官兵分布要汛巡防彈壓則自無前去後空
之患而海洋永保寧謐矣謹將原奉

硃諭及

硃批奏摺恭封

奏繳伏乞

皇上睿鑒謹

奏

據奏所見甚是朕亦知舊例最善但萬際瑞前奏許多不宜處朕不得不加詳察後已知其所論不確今諸臣之議既皆畫一仍照舊例而行可也

同日又

奏竊臣奉到臣奏

聞殷邦翰一摺

硃批諭旨臣在廣州署將軍任內見過殷邦翰即領咨

進京臣見其有辦事之才而人不純正衆亦怨其

殘刻因據所知摺奏懇求

皇上於引

見時洞察其為人及跪讀

諭旨凡屬員中有立意沽長厚之名而不肯破顏整理

地方事務者宜嚴懲以警衆假若實係居心深刻兵

朕

此諭凡為封疆大吏者當書諸紳以為終身誦則斷

民交怨性急過剛但知有己而不知有人傲上陵下

不至屈抑實心効力之賢員也

與衆不合翻駁前案形迹鑿鑿可據者自當詳察糾

劾欽此仰見

皇上衆惡必察衆好必察之

聖心煌煌

天語超越古今

臣惟有銘刻果能如此必獲大益

五衷信受遵奉庶不受人

之愚以無忝厥職則自此以往何莫非我

皇上訓誨之

洪恩所有奉到原摺

硃諭恭封呈繳謹

奏

覽

雍正五年閏三月二十五日署兩廣總督臣阿克

敦謹

奏竊臣准廣西撫臣韓良輔鈔送

奏明廣西天河縣監犯莫東旺越獄緣由請撥兵圍堵擒捕一摺奉

硃批諭旨知道了應如何料理可與督臣詳悉商酌行之欽此欽遵臣查監犯越獄法難寬貸况莫東旺係

蠻賊抗拘經兵威脅服投首之犯更與尋常越獄者不同斷不可任其縱逸今撫臣議撥漢土官兵分路深入繪圖列冊到臣臣復酌議數條咨覆俟議定作何擒捕務獲另行奏

聞外所有臣咨覆畧節恭呈

御覽謹

奏

詳悉籌畫為之毋稍勿畧

雍正五年四月二十一日署兩廣總督臣阿克敦

謹

奏為欽奉

上諭事竊臣接准吏部咨奉

上諭到臣遵即飛檄該管文武立將羅文剛密拏務

獲不得疎脫去後茲據署提臣張傑咨據思恩協

副將梁名望稟稱遵即行委土田州知州岑應祺

奉議土州州判邵銓及防田千總邱培秀選差目

兵相機擒拏就據土田州稟報卑土州借查隘為
名於閏三月二十七日抵坡洪村差目往諭羅文
剛曉以利害令其出投文剛即於是日同伊叔文
觀出投將文剛先行起解文觀暫留押令喚齊弟
男子姪另文申詳文剛所管衆村民業已陸續出
投邵州判現在查點安插等語除將羅文剛押解
思恩府外合行呈報轉咨到臣隨檄行廣西按察
司嚴審招報在案所有擒獲羅文剛日期理合奏

聞再兩廣交界芋莢山之礦賊臣到任後將為首之李
亞展潘十八等先後擒獲歸案審究現今山場寧
靜業經具摺

奏明至清查疆界分別防範管理定為規制之處俟
李紱甘汝來到日臣謹遵

旨會核具

題謹

奏

據李紱甘汝來業已奏聞俟汝具題到日有旨

雍正五年五月二十九日署兩廣總督臣阿克敦

謹

奏為恭謝

天恩事竊臣接准部咨奉

旨阿克敦調補吏部左侍郎其吏部侍郎事務仍著查
郎阿署理欽此欽遵伏念臣一介庸愚荷蒙

皇上不次之恩擢領翰苑清班歷試禮兵部務復膺

簡命委署封疆雖夙夜冰兢勉効涓埃以自勵而
聖恩稠疊多慚報稱之未能何意

寵命遙頒特調銓衡重任

榮逾非分感悚彌深惟有盡臣之心竭臣之力以期仰
副我

皇上教育之隆恩於萬一除另疏具奏外謹繕摺恭謝
天恩謹

奏

覽

勉之楊文乾尚需數月方能旋任不可因署理而因循
懈怠亦不可將未審事情急遽更張竭力酌中料理以
期合於至當

同日又

奏竊廣西永順長官司鄧朝宸因伊父鄧啟明控告
該土司慘殺親叔鄧啟慧等七命批提質審抗不

遵奉經撫臣韓良輔會

臣

題叅革職差員前往摘印詎該土司畏罪潛逃

臣聞

報飛移署提臣張傑檄調附近漢土官兵圍捕去

後茲據柳慶協副將潘紹周慶遠府知府徐嘉賓

詳稱已於本年四月二十四日據永定長官司韋

廷璧等獲解鄧朝宸到府當堂繳出印信押交羈

候等因到臣除批回嚴飭監禁候

旨審擬外事關叅革土司懷印脫逃旋被擒獲臣不敢

隱匿謹具奏

聞

封疆大吏若肯事事如此實力奉行何慮天下不大治也

同日又

奏竊臣於雍正四年九月二十三日接奉

硃筆

上諭侍衛胡廣於上年八月十五日到廣臣署將軍印

務經督臣孔毓珣會

題請補左翼鎮標左營遊擊臣隨恭繳奉到

硃筆

上諭并將欽遵試用之處具摺回

奏復蒙

硃批朕看此人甚屬不妥當留心試用欽此臣於
署總督印後細察胡廣為人實屬糊塗粗率但頗
諳水性補授遊擊以來巡查各汛兵丁間有怨言
訪其致怨之由祇因巡查太緊待兵過嚴並無尅

扣虛冒情弊臣留心試看目下尚屬守法可否仰

懇

皇上念其武夫節取以觀後效臣仍不時查訪一有懈

弛即行糾叅

臣

此奏殊屬贅語汝豈處不見信於斷不敢徇庇胡廣一人上負

朕耶皇上委用之隆恩也謹

奏

所奏朕甚嘉悅如此方是朕總就事論事就人言人從不預立成見才不及者若肯奮勉自勵改過遷善即是

矣才優者若放縱自滿則非矣全賴爾等大吏秉公據實甄別激揚以副朕用人之心如朕先有定見何必又發往令爾等試用耶看胡廣雖似糊塗光景是一粗直出力報效之人於孔毓珣陛見時朕亦言及此事可將爾所奏并朕此諭令孔毓珣知之毋致寬抑於彼也

雍正五年七月初一日署兩廣總督臣阿克敦謹

奏為奏

聞事竊廣東海疆遼濶姦匪出沒不常定例每年自南

澳以西龍門協以東派委統巡分巡各官輪班查緝盜賊茲雍正五年上班官兵經臣派委於二月初一日出洋起六月初一日撤師止各路洋面俱極安靜除另派委下班官兵已於六月初一日接班出洋巡查外所有上班海疆寧謐情形臣謹奏聞

卿等督撫若能秉公持正實心任事則其效不虛地方自然寧謐無事也

同日又

奏為敬陳開墾事宜事伏念

盛世戶口滋蕃惟墾荒可以足食欽奉

上諭令督撫悉心勸導實力遵行但粵東勸墾之條屢
頒報墾之數無幾民多觀望不前者其故有四一
由豪強之占奪一由胥吏之需索一由資本之不
敷一由土瘠而畏日後之陞科以上四條百姓之
觀望不前者在此而所以勸導之方亦在此勸導

之方有五一定疆界以絕爭端一禁需索以寬民
力一借籽種以助農工一輕陞科以示優恤一廣
招徠以盡地利如此則民無觀望不前之心而報
墾者自必接踵而至抑臣更有請者勸懲之法不
可不講也其要有二一荒田既墾其利在民陞科

之後倘遇歉收或避稅他往其責成則又在官故

此議尚須斟酌初墾自不難於勸導恐至陞科時不保

官之勸墾不力者職由此耳今宜明示勸懲如州

其不拋荒耳不肖官吏為圖一時之議敘當下朦朧報

縣官能勸墾十頃以上者紀錄一次多者計算加

捐報

級墾若干頃有名無實等弊亦不可不計及也現任官能捐籽種牛具墾荒至三頃以上者紀

錄一次多者計算加級倘勸墾不力廢厥職守即據實叅處則官知勸懲矣一凡富厚有力之家率先遵奉以開墾之多寡分別獎勵如墾至一頃以上該地方官給賞花紅二頃以上給賞匾額五頃以上照終身力田老農例

題請給與八九品頂帶榮身則民知自奮矣臣查粵省在在俱有可耕之土而惟惠高雷廉四府荒地

更多復面令各知府詳議隨據議覆前來與臣所見無異臣與署撫臣常賚面商亦謂於地方有益謹繕摺具

奏伏乞

敕下議覆施行謹

奏

楊文乾前在京時朕曾以墾荒一事備悉問伊所奏約畧相同未如爾此奏周詳爾俟楊文乾回粵後竝同孔

毓珣三人詳議具奏

雍正五年七月十一日署兩廣總督臣阿克敦謹
奏為恭謝

天恩事竊督臣孔毓珣奉

旨回任將次臨境臣正在料理交印事務於七月初八
日接准部咨奉

旨孔毓珣回任後阿克敦著署理廣東巡撫印務常賚
著即赴福建新任欽此欽遵除俟孔毓珣回任交印

後即遵

旨赴省署理巡撫印務另疏恭謝

天恩所有應行事宜奏請

聖訓次第辦理外伏念臣猥以菲材毫無報稱疊膺封

疆重寄惟有感戴

洪恩勉竭心力以仰答

高厚於萬一耳臣謹具摺恭謝

天恩謹

奏

但將采善之病除盡科甲二字忘却諸凡料理庶幾是矣

同日又

奏為奏

聞事竊廣西天河縣撞賊莫東旺越獄一案臣已將檄行該管文武官弁嚴緝務獲併將議覆擒捕事宜

摺

奏奉

硃批詳細籌畫為之母稍忽畧欽此欽遵臣密飭文武

官弁多方躡緝懸賞購獲去後茲於七月初十日

據慶遠府知府徐嘉賓稟稱卑府與副將潘紹周

懸示重賞飭令署天河縣陳舜明帶領土兵鄉勇

親至賊巢駐劄搜捕隨於初五日據該署縣稟稱

莫東旺已被土人拏獲到案除另文申報外所有

獲到莫東旺緣由合先飛報等情到臣理合據報

奏

聞伏乞

皇上睿鑒謹

奏

如此方是殊屬可嘉

雍正五年八月十二日署廣東巡撫臣阿克敦謹

奏竊臣於七月十三日將總督印信交送督臣孔毓

珣收受隨起身赴省於十九日准署撫臣常賚交

送巡撫印信到臣當即開印署理業經

題明在案臣檢查卷冊見廣州等八處稅羨銀兩向

俱解繳臣衙門彙發布政司存貯但其中有難於

查核者管稅各員將收過銀數暗用摺報明用批

解批解之數留為案據原報之摺掣銷無跡此則

欺隱分肥之巧術也如肇高廉羅道王士俊管理

黃江廠原任高州府知府趙庚管理梅塘稅務俱

各隱匿銀一千餘百兩經署撫臣常賚查出牌行

有案實屬侵欺以此類推則批解之數未可盡信
臣思稅羨題報事屬初行如不及此徹底清查將
來遂成銅弊除具本

題叅外現今通飭各屬將所收羨餘銀兩俱令盡數
批解當堂驗兌即日發交藩司貯庫倘仍敢捏飾
查出題叅治以重罪庶課餉有可稽察而官方愈
加警惕矣伏乞

皇上睿鑒謹

奏

徹底清查固屬當然但王士俊趙庚尚為有用之員此等小過猶在可諒當嚴加訓飭令其遷改耳即便題參似覺少刻知道了題到另有旨

雍正五年九月十三日署廣東巡撫臣阿克敦謹

奏竊臣奉

旨陞補吏部左侍郎具摺恭謝

天恩接奉

硃批諭旨 臣跪讀之下感悚交深惟有謹凜遵奉不敢
懈弛不敢急遽殫心竭力次第辦理所有 臣目下
辦理情形敬為我

皇上陳之

一廣東錢糧藩庫款項俱屬清楚其各州縣現飭
司道府等官不時稽查 臣亦留心體訪

一廣東平糶倉穀共有四十餘萬石存價未買已
勒限冬月補完仍令分往產穀地方酌量採買不

使穀價騰貴

一粵省審理案件新舊連接總不下數百起臣欽
導酌中料理之

聖訓不遺餘力應題達者照例題達應外結者照例外
結

一太平粵海兩關稅務臣接任後嚴飭書役人等
不許侵蝕作弊商賈行戶不許巧避走漏將來一
年期滿正稅盈餘務期一一補足

一廣東太平粵海稅務歷年題報俱有成規惟落地稅一項歸公事屬初行共計八處其中弊竇甚多臣現在清查除隱匿稅銀之王士俊趙庚業題叅請

旨究追外其各屬稅羨統俟清查到日一併核明彙

奏此外凡有關吏治民生之事容臣悉心辦理隨時陳請恭候

睿裁指示遵行謹

奏

即此條奏數款亦非爾能辦之事今命爾往撫粵西若
仍然罷軟而務欺隱欲望善全旋都不可得也

同日又

奏竊臣遵

旨將試看遊擊胡廣緣由具摺奏

聞接奉

硃批諭旨遣督臣孔毓珣在省會同臣驗封藩庫存貯

銀兩遵將

諭旨及臣所奏與孔毓珣看孔毓珣捧讀之下欽服
皇上用人悉本大公至正與臣共相勸勉務期仰副
聖懷所有奉到

硃批奏摺恭封呈繳謹

奏

朕竭力主持大公至正之道其奈諸臣懷私不公何亦
惟有嘆息而已

雍正五年十月二十八日署廣東巡撫臣阿克敦

謹

奏為恭謝

天恩事竊臣接准吏部咨文奉

旨韓良輔因軍需案內解任廣西巡撫印務著阿克敦
前往署理楊文乾未回廣東之先廣東巡撫印務著
石禮哈署理欽此欽遵臣於接准部文之日即料理
交代案件於十一月初一日交印初四日起程前

赴西省謹此叩謝

天恩謹

奏

汝於廣東任內有數事欺隱朕深為寒心

同日又

奏竊臣於本年七月內

奏謝署理巡撫印務一摺接奉

硃批諭旨臣敬啓跪讀惶悚彌深伏思柔善之病乃臣

氣質之偏仰荷

聖慈屢加

訓誨無時不痛自震惕茲復蒙

天語遙頒惟期力除務盡再臣昔年隨侍

聖祖仁皇帝時每

諭及漢人師生同年每有門戶惡習滿洲淳樸之風甚善

斷不可改移臣於親聆之餘服膺永矢十餘年來兢

兢自守近閱邸鈔敬讀

皇上諭旨切中科甲之弊大有益於吏治民生凡係科
甲出身者俱當悔悟况臣身受

隆恩豈甘自暴自棄惟有凜遵

明訓不復稍存科甲之見謹此覆

奏伏乞

皇上睿鑒謹

奏

若言當日服膺

聖祖之訓則是欺

天之語也朕復何諭

同日又

奏竊臣將隱匿稅銀之肇高廉羅道王士俊原任高
州府知府趙庚

題叅緣由具摺奏

聞接奉

硃批諭旨到臣臣思錢糧絲毫為重不肖官員侵隱之

弊發覺者十無一二既有稽察之責不敢因循寬
縱故據實

題叅茲恭繹

諭旨仰見

皇上赦過用人之

聖心直與覆載同其高厚臣不勝惶悚乃蒙
恩宥多方

訓誨臣雖愚鈍當知勉勵所有奉到

硃批奏摺恭封呈繳伏乞

睿鑒謹

奏

據汝此奏則是粵省貪官止此一二入一二事更無貪劣之員矣良心喪盡之言更有何諭汝也

雍正五年十二月初九日署廣西巡撫臣阿克敦

謹

奏竊臣前署廣東巡撫任內兼管兩關稅務自臣署

事起至離署止所有太平關正羨水脚銀兩俱一

一交明署撫臣石禮哈竝無虧空粵海關稅臣就

近料理儘數收解除正羨水脚等項一一交明外

又盈餘銀八千餘百兩尚有遠口未到稅銀約有

一二千兩共計可至萬金俱與署撫臣當面交代

清楚再臣經管稅務俱係循照舊規向來徵收稅

鈔之外有分頭擔頭一項作關務衙門及各口書

役人等養贍之費臣俱照舊支給至臣署任三月

餘共收布政司衙門養廉銀一千七百兩零皆荷

皇上恩賜臣謹奏

聞

慎重錢糧廉潔自守係爾所能何庸置議但柔懦瞻徇之病究不能除奈何不遵朕諭粵東署事甫經半載致令通省呼為阿婆朕實代汝恥之

雍正六年正月二十九日署廣西巡撫臣阿克敦

謹

奏竊查廣西上年通省收成約有七八分不等茲立
春之日天氣清明農家相傳以為大豐之兆歷驗
不爽正月初七八等日時雨露遍麥菜雜植俱各
暢茂目下米價每倉石一兩一錢有零地方甚屬
寧靜謹此奏

聞

覽雨暘情形深慰朕懷然此不過預為之兆耳倘地方
頑民因此遂放縱不法守土官吏肆志貪暴朕則不敢

期其必驗也即此可見汝不識本末之理隨俗附和何足與言

天道既不知

天道亦不足與言人事矣凡庸見解大率同然亦無怪乎

汝一人也

同日又

奏為恭繳

硃批奏摺事竊臣至愚極陋仰承我

皇上不次之

鴻恩屢加

簡用臣自到廣以來初莅外任諸務未諳錯誤多端署
廣東巡撫任內辦理事件甚屬不合復妄行陳奏
荷蒙

嚴諭訓誨臣跪讀之下無地自容慚悔與惶恐交集於
中惟期痛改以贖前愆伏乞

皇上寬臣已往勵臣將來則有生之日皆報

主之年也所有奉到

硃批奏摺恭封呈繳謹

奏

惶恐則誠有之慚悔或未必然也

雍正六年三月二十五日署廣西巡撫臣阿克敦

謹

奏竊原任廣西撫臣韓良輔摺奏左右兩江土司事

宜五條奉

硃批諭旨命將此摺亦密與臣看欽此欽遵臣將看過緣由

奏明在案臣自署任以來細加訪察如

奏摺內稱土龍州改設之二土巡檢趙墉趙陞不能撫綏土民或另擇賢能或竟改土為流等語查二巡檢係新經改設人雖庸懦無甚劣蹟其另擇賢能或竟改流之處似屬可緩又

甚是

奏摺內稱改流之思明土州措置未當應盡革陋規

清出地畝歸崇善縣管轄等語查思明土州業經
前署撫臣甘汝來

題明歸併思明同知專管未革陋規於被劾之太平
府知府王夢堯與吏目馬宗李互揭案內逐一清
覽
查審結無庸置議又

奏摺內稱歸順土知州岑佐祚不能鈐束其下亦應
改土為流等語查土州先因幼弱為頭目所制今
已長成業將土屬公田報官完餉經督臣孔毓珣

是

題准部覆現委員前往查勘歸入賦額亦可無庸置
議又

奏摺內稱思明土府屬之鄧橫等四寨環水植竹恃
險拒捕等語查鄧橫等四寨臣於新調太平府知
府王國坦赴任時面飭親往查勘茲據該府報稱

竹已砍完所藏牌刀等械俱各繳出悔罪輸誠遞
毋得將就姑容當加詳察
具不敢為非甘結在案無庸再議又

奏摺內稱西隆州惡目顏光色西林縣惡目潘克等

屢屢仇殺抗不服拘等語查潘兌已經自行投首

現在飭審其顏光色仍抗拘不到近又劫殺弄忙

已據

北毓向奏聞矣

者莫二寨斷難姑寬據該州通詳復准督提二臣

會商到臣已酌撥兵役飭令文武相機擒捕矣謹

此奏

聞

將此摺俟接任到日交與諭令看過另行呈繳

同日又

奏竊廣西司庫正項錢糧現據布政司郭鉷與原任
藩司黃叔琬交代盤查並無虧空其公費雜項亦
遵例逐一清查另行報部至通省倉穀除先叅續
叅虧空徽爛各案外應存倉穀共一百二十餘萬
石此內部行勻貯及四五兩年平糶應買補倉穀
共三十九萬餘石臣署任後即嚴飭催買陸續據
各屬報買者將及三十萬石尚有已買未曾報到
者俱經委官分往盤查約計未買之穀不過六七


萬石目下東作方興買穀有妨民食暫令停止仍
飭布政使俟秋成購買甚屬易易布政使郭鉷一
力承認臣謹繕摺奏

聞謹

奏

郭鉷若不一力承認汝又將如何料理身為封疆大吏
似此游移推卸無恥之言何顏形之筆墨以奏朕耶

硃批諭旨卷一百九十六



總校官庶吉士臣侍朝

校對官編修臣莫瞻菴

校對官檢討臣盧應

騰錄監生臣王宮

騰錄監生臣徐壇